

當持身作綺好當念非常若人施行善不自
貢高綺語者死後皆生天上若施行惡者當
入泥犁中女人所以墮泥犁中多者何但坐
嫉妬姿態多故佛說是時婆羅門女即踊躍

歡喜解身上珠寶用散佛上佛威神令所散
住處空中化作寶蓋中有聲音善哉如佛所

言無有異佛亦時便感動放威神於座上以
足指案地三千大千刹土皆為大動光明照
十方百歲枯樹皆生華果諸空溝澗皆自然
有水箜篌樂器不鼓自鳴婦女珠環皆自作
聲音者得視聾者得聽瘖者得語偃者得伸
拘躄者得愈手足病者得愈狂者得正被毒

者毒不為行拘閉者悉得解脫百鳥狸獸皆
相和悲鳴亦時拘留國中人民無男無女皆
大歡喜和心相向若得禪佛作是變化時拘
留國王旃珠踊躍歡喜及百大臣婆羅門女
與其眷屬及五百婆羅門皆發阿耨多羅三
藐三菩提心復有五百比丘得羅漢道國中

安
五注同上文

八

寺

五百人悉須陀洹道佛說是經已菩薩比丘
僧優婆塞優婆夷國王大臣長者人民諸天
鬼神龍皆大歡喜前持頭面著地為佛作禮
而去

佛說七女經

佛說八師經

吳月支優婆塞支謙譯

聞如是一時佛在舍衛國祇樹給孤獨園時
有梵志名曰邪旬來詣佛所阿難白佛言有
異學梵志今來在外欲質所疑天尊曰現之
梵志乃進稽首佛足天尊曰就坐梵志就坐
須臾退坐曰吾聞佛道厥義弘深汪洋無崖
靡不成就無不度生巍巍堂堂猶星中月神
智妙達眾聖中王諸天所不及黎民所不聞
願開盲冥釋其愚癡所事何師以致斯尊天
尊曰快哉斯問開發大行吾前世師其名難
數吾今自然神曜得道非有師也然有八師

從明得之佛言一謂凶暴殘殺物命或為怨家所見形戮或為王法所見誅治滅及門族死入地獄燒煮擄掠万毒皆更求死不得罪竟乃出或為餓鬼或為畜生屠割剝裂死輒更生鬼神展轉更相殘賊吾見殺者其罪如此不敢復殺是吾一師佛時頌曰

殺者心不仁 強弱相殘傷 殺生當過生

結積累劫怨 受罪短命死 驚惶遭暴患

吾用畏是故 慈行伏魔宮

佛言二謂盜竊強劫人財或為財主刀杖加刑應時瓦解或為王法收繫著獄考掠撈笞五毒並至戮之都市門族灰滅死入地獄以

手捧火洋銅沃口求死不得罪竟乃出當為餓鬼意欲飲水水化為膿所欲食物物化成炭身常負重眾惱自隨或為畜生死輒更刃以肉供人償其宿債吾見盜者其罪如此不敢復盜是吾二師佛時頌曰
盜者不與取 劫竊人財寶 亡者無多少

忿恚愁毒惱 死受六畜形 償其宿債貧
吾用畏是故 棄國施財寶

佛言三謂邪淫犯人婦女或為夫主邊人所知臨時得殃刀杖加形首體分離禍及門族或為王法收捕著獄酷毒掠治身自當辜死入地獄卧之鐵牀或抱銅柱獄鬼然火以燒

其身地獄罪畢當更畜生若後為人閨門姪乱違佛遠法不親賢眾常懷恐怖多危少安吾見是故不敢邪淫是吾三師佛時頌曰

姪為不淨行 迷惑失生道 形銷魂魄離

傷命而早夭 受罪頑癡荒 死復墮惡道

吾用畏是故 棄家樂山藪

佛言四謂兩舌惡口妄言綺語謔入無罪毀謗三尊舌致捶杖亦致滅門死入地獄獄中鬼神拔出其舌以牛犁之洋銅灌口求死不得罪畢乃出當為畜生常食草棘若後為人言不見信口中恒臭多被誹謗罵詈之聲卧輒惡夢有口不得含佛經之至味吾見是故

不敢惡口是吾四師佛時頌曰

欺者犯四過 讒佞傷貞賢 受罪癡聾盲

塞吃口臭腥 瘡痂不能言 死入拔舌犁

吾修四淨口 自致八音聲

佛言五謂嗜酒酒為毒氣主成眾惡王道毀

仁澤滅臣慢上不忠不敬於父禮亡母失慈

子凶勃孝道敗夫失信婦奢姪九族誣財產

耗危國亡身無不由酒酒之乱道三十有六

吾見是故不敢飲酒是吾五師佛時頌曰

醉者為不孝 怨禍從内生 迷惑清高士

乱德敗淑真 故吾不飲酒 慈心濟群生

淨慧度八難 自致覺道成

佛言六謂年老夫老之為苦頭白齒落日視

茫茫耳聽不聰盛去衰至皮緩面皺百節痠

疼行步苦極坐起呻吟憂悲心惱識神轉滅

便旋即亡命日促盡言之流涕吾見無常灾

變如斯故行求道不欲更之是吾六師佛時

頌曰

吾念世無常 人生要當老 盛去日衰羸

形枯而白首 憂勞百病生 坐起愁痛惱

吾用畏是故 棄國行求道

佛言七謂病瘦肉盡骨立百節皆痛猶被杖

楚四大進退手足不隨氣力虛竭坐卧須人

口燥唇焦筋斷鼻炆目不見色耳不聞音不

淨流出身卧其上心懷苦惱言輒悲哀今觀

世人年盛力壯華色曄曄福盡罪至無常百

變吾觀斯患故行求道不欲更之是吾七師

佛時頌曰

念人哀老時 百病同時生 水銷而火滅

刀風解其形 骨離筋脉斷 大命要當傾

吾用畏是故 求道願不生

佛言八謂人死四百四病同時俱作四大欲

散魂神不安風去氣絕火滅身冷風先火次

魂靈去矣身體徒直無所復知旬日之間肉

壞血流胖膿爛臭無一可取身中有蟲還食

其肉筋脉爛盡骨節解散觸體異處脊脅有

臂脰脰足指各自異處飛鳥走獸競來食之
 天龍鬼神帝王人民貧富貴賤無免斯患吾
 見斯變故行求道不欲更之是吾八師佛時
 頌曰
 惟念老病死 三界之大患 福盡而命終
 棄之於黃泉 身爛還為土 冤魄隨因緣
 吾用畏是故 學道昇涅洹
 於是梵志聞佛所說心開意解即得道迹長
 受五戒為清信士不殺不盜不婬不欺奉孝
 不醉為佛歡喜而去

佛說八師經

佛說越難經

西晉清信士聶承遠譯

聞如是一時佛在波羅柰私國賢者飛鳥聚
 是時國中有四姓長者名曰越難大豪貴珍
 琦珠寶牛馬田宅甚眾多難為人慳貪嫉妬
 不信道德不喜布施日未沒常勅門監有來

乞者勿得通之難有子名梅檀亦復慳貪難
 後壽盡還生其國中為盲乞婦作子其夫言
 汝身有重病今復懷軀我以貧窮無以衣食
 汝便自去婦受教出門外未遠得大聚糞便
 止其中至九月生一子兩目悉盲其母乞食
 養之至年七歲母言我養汝大久且自行持
 杖取食器行乞當自悲言世間貧者最為苦
 惱今我薄命生貧家兩目復盲無所見者復
 為人所輕易今與我少所飲食愈我飢者譬
 如天雨渴者得飲兒聞母說如是便行家家
 乞匄復到梅檀家其子適到時守門者暫小
 出盲兒徑入至中庭如母教說之時梅檀在
 高樓上聞其言大怒便呼守門者問之誰內
 此盲乞兒者監門人大懷即掣盲兒撲於門
 外傷其頭面復折其右臂壞其食器飯散於
 地身體大痛兒叫呼悲啼其母聞之即走到
 兒所何等弊人嫉我子者我子尚小兩目復
 盲有何等過而取之尔何一感天兒對母言

安 五世阿闍維

十

十